

KERATAN AKHBAR

TARIKH : 21 MAC 2023
AKHBAR : KOSMO
MUKA SURAT : 37

Perdagangan Malaysia RM205 bilion



MOHD. UZIR

Perdagangan Malaysia RM205 bilion

PETALING JAYA – Perdagangan Malaysia memperlihatkan trajektori menaik bulan lalu dengan pertumbuhan dua angka sebanyak 11 peratus kepada RM205 bilion berbanding Februari 2022, menurut Jabatan Perangkaan.

Prestasi baik itu disokong oleh peningkatan eksport dan import, masing-masing pada kadar 9.8 peratus dan 12.4 peratus.

Ketua Perangkawan, Datuk Seri Dr. Mohd. Uzir Mahidin berkata, pertumbuhan eksport didorong oleh kedua-dua eksport domestik dan eksport semula.

"Eksport domestik kembali mencatatkan peningkatan 3.8 peratus kepada RM87.5 bilion pada Februari 2023, sementara eksport semula yang bernilai RM24.8 bilion menyumbang 22.1 peratus kepada jumlah eksport, naik 37.6 peratus berbanding tahun lalu.

"Import meningkat daripada RM82.5 bilion kepada RM92.7 bilion. Mengambil kira pertumbuhan import yang lebih pantas berbanding eksport, lebihan dagangan pada Februari 2023 menyusut 1.3 peratus kepada RM19.6 bilion, lebihan dagangan bulan ke-34 berturut-turut sejak Mei 2020," katanya dalam satu kenyataan semalam.

Berbanding Januari 2023, prestasi jumlah dagangan, eksport dan import menunjukkan penurunan masing-masing sebanyak 1.1 peratus, 0.3 peratus dan 1.9 peratus, sebaliknya lebihan dagangan mencatatkan peningkatan 7.9 peratus.

Bagi tempoh dua bulan pertama 2023, jumlah dagangan, eksport dan import masing-masing bertumbuh 6.1 peratus, 5.4 peratus dan tujuh peratus berbanding tempoh sama tahun lepas.